



## OQALUGIARNERMI NAJUQQUTASSIAQ

### **Peqqissutsimut Naalakkersuisumit Doris Jakobsen-imit tikilluaqqusineq Nuummi Innuttaasut peqqissusaat pillugu ataatsimeersuarneq, 7. oktober 2015- imi**

(Oqalugiarnermi oqaatigineqartut atuupput)

#### *ILISARITITSINEQ:*

*Suliniuummit tv-kkut seqersitamit takutitsineq "Inuusuttut eqitaarlugit": "Ataatsimooritsi"*  
*[sivisussusia: 01:03 min.]*

[http://www.peqqik.gl/Emner/Kampagner/Omfavn\\_ungdommen.aspx?sc\\_lang=da-DK](http://www.peqqik.gl/Emner/Kampagner/Omfavn_ungdommen.aspx?sc_lang=da-DK)

Taamatut naatsumik TV-kkut suliniuummit "inuusuttut eqitaarlugimmit" videomik naatsun-  
nguamik takutitsillunga tamassi Innuttaasut peqqissusaat pillugu ataatsimeersuarnissa-  
mut tikilluaqquniarpasi. Ataatsimeersuarnermi nunatsinni innuttaasut nalinginnaasumik  
peqqissusiat sammineqarnerussaaq. Immikkulli meeqqat inuusuttullu peqqissusiat  
samminiarpavut. Taakku Kalaallit Nunaata siunissaraat - meeqqanullu tamanut inuuneq  
arlaatigut pitsaasumik neqerooruteqartariaqarpoq - tamattami uagut peqqissuusaannut  
akisussaaffeqaratta.

Taamaammat assut nuannaarutigaa taama amerlatigisut innuttaasut peqqissusaat  
pillugu oqaloqatigineqataanissamut aggersaasimanerput peqataaffiginiarlugu  
akuersaarsimammasuk. Innuttaasummi peqqissusaat ataatsimoorussamik  
akisussaaffiuvoq angusaqarluarnerussaagullu ataatsimoorluta kivitseqatigiikkutta.

*"Kalaallit Nunaanni innuttaasut tamarmik pitsaasumik sivisuumillu inuuneqarnissamut  
ajunginnerpaanik periarfissaqassapput"* - tamanna Inuuneritta II-mi anguniagaavoq -  
innuttaasut peqqissusaannut pilersaarut 2013-imi aallartinneqartoq 2019-llu tungaanut  
ingerlasussaq.

Angusaqangaatsiareersimavugut sulili anguniakkatsinnut ungasittumiippugut.

Ataatsimeersuarnermi matumani inersimasut akornanni innuttaasunik  
misissuisimanermit inernerit kingullerpaat tusassavavut aamma Meeqqat atuartut  
misissuiffigineqarsimaneranniit. Misissuinerit taakku marluk 2014-imi  
ingerlanneqarnikuupput. Pineqartut ilaanni siumukartoqarpoq, peqarporli arlalinnik suli,  
eqqarsaatigisariaqakkatsinnik.

Nunani allani sanilliunniartakkatsinni inuusunit agguaqatigiissillugu ukiunik arfineq-  
pingasunik sivikinnerusumik inuusarpugut - amerlavallaarpugullu imannak

07-10-2015  
Suliap nr.: 2015 - 10009  
Akt nr. 1209517

Postboks 1160  
Oqarasuaat: 34 50 00  
Fax: 34 55 05  
3900 Nuuk  
Email: pn@nanoq.gl  
www.naalakkersuisut.gl

inuuneqartunik uagut namminneq peqqissuunitsinnik ajoqusiisarluta. Tamanna ataasiakkaanut ajornartorsiutaavoq inuiaqatigiinnullu akisuujulluni. Innuttaasut ataasiakkaat namminneq peqqissutsiminnut peqqissumillu toqqaanissaminnut akisussaaffeqarput. Angajoqqaat meeqqamik peqqissusiannik isumagininnissamat akisussaaffeqarput. Inuiaqatigiilli aamma innuttaasut peqqissusaannut angisuumik akisussaaffeqarput uagullu politikereit immikkut akisussaaffeqarpugut qulakkiissallugit, kikkut tamarmik peqqissumik inuunissaannut pingaarnerusutigut sinaakkusiussat inuuniarnikkullu atugassarititat ajunngitsuunissaannut.

Innuttaasut peqqissusaat ataatsimoorussamik akisussaaffiuvoq uagullu ilissinnit ikiorneqarnissarput pisariaqartipparput. Namminersorlutik Oqartussaneerpusi, kommuniniit, peqqinnissaqarfimmiit, ilinniagaqarsimasut kattuffiiniit aamma peqatigiiffinneerlusi – tamassilu aggerpusi susoqarnissaanut tamassi immikkut takunnissinnaallusi misilittagaqarlusilu, sumi qanoq iliuuseqartoqassanersoq pillugu aamma qanoq iliorluta pitsaanerpaamik nukivut atorluarsinnaanerivut suleqatigiillutalu inernernik angusaqarsinnaalluta. Innuttaasut peqqissuunerat pitsanngortissagutsigu pisariaqartippavut nukit pitsaasut tamaasa ataatsimoortinnissaat.

Ataatsimeersuarnermi matumani saqqummiussanik pissanganartunik tusagaqassaasi. Qinnuigaassili aamma pilersaarutaasuniittuni suleqatigiittarnissanut piviusumik peqataasaqullusi. Neriutigaarput, isummat sikkilersissinnaagisi, pitsaasunillu neqerooruteqarlusi, qanoq iliorluta peqqissuseq pitsanngortinniarlugu ataatsimoorsinnaanersugut.

Qanoq iliorluta inooriaatsikkut nappaataasartut pinaveersaartinniarlugit suleqatigiissinnaavugut, tamakku pujortarnermit, pitsaanngitsunik nerisaqartarnermit aamma aalanngippallaarnermit pissuteqartut. Qanoq iliorluta ataatsimoorluta sulisinnaavugut siaruaassimaqisumik atorerluineq pinngitsoortinniarlugu, ilaqtariinnik sequtserisartoq, pissutsillu ilagigaat taama amerlatigisunik imminut toquttoqartarnitsinnut? Qanoq iliorluta pitsaanngitsumik inuuneqarneq kingornunneqartartoq kipitissinnaavarput, taamaalillutik meeqqat pitsaanerusumik inuuneqalersissinnaaqullugit? Qanoq iliuuserisartakkagut suut pitsaasuuppat suullu suli annertunerusumik qanoq iliuuseqarfisavavut? Tassa tamakku ataatsimeersuarnermi matumani apeqqutit pingaarnarpaat sammineqartussat ilaat - ajunngitsunillu akitinniarlugit pisariaqartitavut.

Ilanngullugu neriutigaara, ulluni tulluittuni marlunni sulinivut tunngavissiisinnaassasut Namminersorlutik Oqartussat aamma kommunit ataasiakkaat akornanni innuttaasut peqqussuunissaannik isumaqatigiissutit nutarterniarnissaannut. Taamaattumik ataatsimeersuortoqareerpat aqagu ualikkut ataatsimiittoqassaaq kommuninit aamma Namminersorlutik Oqartussanit sinniisut akornanni, tassalu tamannarpiaq oqaloqatigiissutigissavarput.

Taamatut oqarlunga isumassarsiorfiulluartumik suliaqarfiulluartumik pissanganartumillu ataatsimeersuarnissassinik kissaappassi. Neriutigaara, angusat siunissami nunami maani innuttaasunut pitsaanerusumik sivisunerusumillu inuuneqalersitsiumaartut.

Qujanaq tusarnaarluarassi